

**FRAMKVÆMDARREGLUGERÐ FRAMKVÆMDASTJÓRNARINNAR (ESB) 2014/EES/67/102
nr. 190/2013**

frá 5. mars 2013

**um breytingu á framkvæmdarreglugerð (ESB) nr. 540/2011 að því er varðar skilyrði fyrir
samþykki fyrir virka efninu natríumhýpóklórít (*)**

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1107/2009 frá 21. október 2009 um setningu plöntuverndarvara á markað og um niðurfellingu á tilskipunum ráðsins 79/117/EBE og 91/414/EBE⁽¹⁾, einkum c. lið 2. mgr. 13. gr.,

og að teknu tilliti til eftirfarandi:

- 1) Virka efnið natríumhýpóklórít var fært á skrá í I. viðauka við tilskipun ráðsins 91/414/EBE⁽²⁾ með tilskipun framkvæmdastjórnarinnar 2008/127/EB⁽³⁾ í samræmi við málsmeðferðina sem kveðið er á um í 24. gr. b í reglugerð framkvæmdastjórnarinnar (EB) nr. 2229/2004 frá 3. desember 2004 um nánari reglur varðandi framkvæmd fjórða áfanga vinnuáætlunarinnar sem um getur í 2. mgr. 8. gr. tilskipunar ráðsins 91/414/EBE⁽⁴⁾. Þar eð reglugerð (EB) nr. 1107/2009 kom í stað tilskipunar 91/414/EBE telst þetta efni samþykkt samkvæmt þeirri reglugerð og er á skrá í A-hluta viðaukans við framkvæmdarreglugerð framkvæmdastjórnarinnar (ESB) nr. 540/2011 frá 25. maí 2011 um framkvæmd reglugerðar Evrópuþingsins og ráðsins (EB) nr. 1107/2009 að því er varðar skrána yfir samþykkt, virk efni⁽⁵⁾.
- 2) Í samræmi við 25. gr. a í reglugerð (EB) nr. 2229/2004 gerði Matvælaöryggisstofnun Evrópu, hér á eftir nefnd Matvælaöryggisstofnunin, framkvæmdastjórninni grein fyrir sjónarmiðum sínum varðandi drög að endurskoðunarskýrslu um natríumhýpóklórít⁽⁶⁾ 25. júní 2012. Matvælaöryggisstofnunin gerði tilkynnanda grein fyrir sjónarmiðum sínum varðandi natríumhýpóklórít. Framkvæmdastjórnin gaf tilkynnanda færi á að leggja fram athugasemdir varðandi drögin að endurskoðunarskýrslunni um natríumhýpóklórít. Aðildarríkin og framkvæmdastjórnin endurskoðuðu drögin að endurskoðunar-

skýrslunni og álit Matvælaöryggisstofnunarinnar, innan ramma fastanefndarinnar um matvælaferlið og heilbrigði dýra, og þeirri endurskoðun lauk 1. febrúar 2013 með endurskoðunarskýrslu framkvæmdastjórnarinnar um natríumhýpóklórít.

- 3) Staðfest er að virka efnið natríumhýpóklórít telst samþykkt samkvæmt reglugerð (EB) nr. 1107/2009.
- 4) Í samræmi við 2. mgr. 13. gr. reglugerðar (EB) nr. 1107/2009, í tengslum við 6. gr. þeirrar reglugerðar og í ljósi nýjustu vísinda- og tæknipækkingar, er nauðsynlegt að breyta skilyrðum fyrir samþykki fyrir natríumhýpóklórít. Þó að umfangsmiklar upplýsingar liggi fyrir um natríumhýpóklórít sem almennt tiltækt grunnefni var ekki hægt að ljúka við mat á váhrifum sem notendur, starfsmenn og yfirborðsvatn verða fyrir ef eingöngu er tekið tillit til þeirra gagna sem tilkynnandi hefur lagt fram. Því þykir rétt að takmarka leyfin við notkun innanhúss og bæta við nokkrum nýjum ákvæðum fyrir aðildarríki sem veita leyfi fyrir plöntuverndarvörum sem innihalda natríumhýpóklórít.
- 5) Því ber að breyta viðaukanum við framkvæmdarreglugerð (ESB) nr. 540/2011 til samræmis við það.
- 6) Fyrir beitingu þessarar reglugerðar ætti að veita hæfilegan frest til að gera aðildarríkjum, tilkynnendum og handhöfum leyfa fyrir plöntuverndarvörum kleift að uppfylla kröfurnar sem fylgja breytingu á skilyrðunum fyrir leyfinu.
- 7) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra.

SAMÞYKKT REGLUGERÐ ÞESSA:

1. gr.

Ákvæðum A-hluta viðaukans við framkvæmdarreglugerð (ESB) nr. 540/2011 er breytt í samræmi við viðaukanum við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún gildir frá og með 1. júlí 2013.

(*) Þessi EB-gerð birtist í Stjtið. ESB L 62, 6.3.2013, bls. 19. Hennar var getið í ákvörðun sameiginlegu EES-nefndarinnar nr. 206/2014 frá 30. september 2014 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, bíður birtingar.

(1) Stjtið. ESB L 309, 24.11.2009, bls. 1.

(2) Stjtið. EB L 230, 19.8.1991, bls. 1.

(3) Stjtið. ESB L 344, 20.12.2008, bls. 89.

(4) Stjtið. ESB L 379, 24.12.2004, bls. 13.

(5) Stjtið. ESB L 153, 11.6.2011, bls. 1.

(6) Matvælaöryggisstofnun Evrópu, „Conclusion on the peer review of the pesticide risk assessment of the active substance sodium hypochlorite“. *Tíðindi Matvælaöryggisstofnunar Evrópu* 2012, 10(7), 2796, [40 bls.], doi:10.2903/j.efsa.2012.2796. Aðgengilegt á Netinu: www.efsa.europa.eu/efsajournal

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 5. mars 2013.

Fyrir hönd framkvæmdastjórnarinnar,

forseti.

José Manuel BARROSO

VIÐAUKI

Í stað 254. línu um virka efnið natríumhýpóklórít í A-hluta viðaukans við framkvæmdarreglugerð (ESB) nr. 540/2011 komi eftirfarandi:

Númer	Almennt heiti, kenningarnúmer	IUPAC-heiti	Hreinleiki(*)	Dagsetning samþykkis	Samþykki rennur út	Sértek ákvæði
„254	Natríumhýpóklórít CAS-nr.: 7681-52-9 CIPAC-nr.: 848	Natríumhýpóklórít	Natríumhýpóklórít: 105 g/kg-126 g/kg (122 g/L-151 g/L) tæknilegt þykkni 10–12% (massahlutfall) gefið upp sem klór	1. september 2009	31. ágúst 2019	A-HLUTI Einungis má leyfa að efnið sé notað innanhúss sem sóthreinsiefni. B-HLUTI Við framkvæmd samræmdu meginreglnanna, eins og um getur í 6. mgr. 29. gr. reglugerðar (EB) nr. 1107/2009, skal taka tillit til niðurskiðnaða í endurskoðunarskýrslunni um natríumhýpóklórít (SANCO/2988/2008), einkum í I. og II. viðbæti við hana, í lokagerð fastanefndarinnar um matvælaferlið og heilbrigði dýra frá 1. febrúar 2013. Í þessu heildarmati skulu aðildarríkin gefa sérstakan gaum að: a) áhættu fyrir notendur og starfsmenn, b) því að komast hjá váhrifum á jarðveg af völdum natríumhýpóklóríts og myndefna þess vegna dreifingar á meðhöndlaðri mottu á lífrænt ræktað land. Í notkunarskýrðum skulu felast ráðstafanir til að draga úr áhættu, eftir því sem við á.“

(*) Frekari upplýsingar um auðkenni og forskrift fyrir virku efni er að finna í endurskoðunarskýrslunum.